

## Logi čuoggá maid birra nuorra jodiheaddjit fertejit jurddašit (Ti ting å tenke på for unge ledere)

1 Bistevaš rámmat, oktasaš njuolggadusat ja diehttevašvuohta bukte oadjebasvuođa man bokte buori birra sáhtta oazžut. Jodiheaddjit fertejit leat oskkáldasat guhte guimmiineaset vuostá, ja ovttaoavilis dasa ahte njuolggadusaid ferte čuovvut konsekveanttat. Áitagat eai doaimma.

2 Čalmustahttit doaibmi njuolggadusat ja áinnas čálalaččat. Jodiheaddjit leat ovdagovat, ja sis lea eambo fápmu go ieža soitet jáhkit. Leat dihtomielalaš rájiide mat sis leat jodiheaddjirollas ja čielgasit dovdat iežaset rájiid, dat buktá oadjebasvuođa.

3 Dan maid jodiheaddji lohká ja dahká mearkaša ollu čálgu dáfus. Jodiheaddji ferte duođaštit ahte buohkat leat buresboahtimat nu movt sii leat, ja ii meannudit singuin dego olles joavkkuin. Guovtti nieiddas geat gárvodeaba ja láhtteba seamma ládje, sáhttet goitge leat hui iešguđetlágan oaivilat ja hui iešguđetlágan persovnnalašvuođat. Jodiheaddjis lea ovddasvástádus mitalit jus oaidná ahte muhtun givssiduvvo.

4 Jodiheaddji ferte čájehit ahte sutnje sáhtta luohttit ja ahte son berošta, ja ahte ii hálit dušše leat olmmái. Nuoraid mielas soaitá jodiheaddji orrot leamen árvoheapme, muhto sii liikojit dasa!

5 Jodiheaddji galgá garvit muitaleames nuoraide movt sis lea, dahje makkár motiivvat sis leat láhttemiidda. Son galgá hupmat iežas ovddas, ja leat dihtomielalaš iežat reakšuvnnaide! Sáhtta ovdamearka dihte lohkat: «Muhtomingo mus lea váivi, de oaččon miela muhtumiin hupmat dan birra» dahje: «Go mun suhtan, de šaddá mus miella mollet juoidá, muhto mun in daga dan.» Dáinna vugiin čájeha son ahte dát leat dábalaš reakšuvnna, ja ahte gávdnojit buorit vuogit movt gieđahalat daid.

6 Jodiheaddji galgá geahččalit buohkaide addit seamma ollu áiggi ja beroštumi, nu ahte nuorain ii leat ágga geahččalit oazžut beroštumi. Jaskes bártniin ja nieiddain lea seamma stuora dárbu oazžut beroštumi go earáin.

7 Rigearáris bártnit ja nieiddat eai dárbaš leat bahániekkánat, sii háliidit ahte jodiheaddji oaidná sin, váldá sin duođas ja fuolaha sin.

8 Jus jodiheaddji oaidná juoidá masa reagere, de lea dávjá ágga reageret. Ferte váldit iežas reakšuvnnaid duođalažžan, muhto leat goitge rabas dasa maid oaidná, dat sáhtta dulkojuvvot mángga ládje. Hupmat eará jodiheaddjiiguin dan birra.

9 Jodiheaddjit eai sáhte gádjut hearckes mánáid dahje nuoraid jus sii ieža eai hálit dan. Sii sáhttet leat mearkašahtti jodiheaddji go čájehit beroštumi dasa geat sii leat ja movt sis lea dilli. Dat sáhtta mearkašit ollu dušše go lohka: «Jus dus ii leat buorre, de sávan mun ahte don mitalat munnje dan birra muhtun beaivvi.»

10 Jus muhtun dovddasta jodiheaddjái juoidá, de ii berre son njulgestaga lohpidit ahte it mital dan viidáset. Ii ábut bidjat iežas veadjemeahttumis dilálašvuođaide main ferte juogo váttis áššiid gieđahallat okto, dahje ferte rihkkut lohpadusa. Dábalaččat sáhtat geavahit dan áiggi maid dárbašat hupmat eará jodiheaddjiiguin čiegusvuođa birra. Galgá hupmat čiegusvuođaid birra mat bávččagahttet ja muhtomin lea maddái dárbašlaš ahte ovddasvástideaddji ollesolmmoš gieđahallá dakkár áššit.

suntogsant.no